

**POZIV ZA STUDENTE I MLADE KREATIVCE:
KREIRAJ 3D EKSPONATE I PRILAGOĐENE SADRŽAJE ZA PROJEKAT "MUZEJ ZA SVE"**

Ako si student/ica, inovator/ica ili dizajner/ica i pri tome kreativna osoba sa vizijom kako muzeje učiniti zanimljivijima i pristupačnijima za osobe s invaliditetom, ovo je tvoja prilika da ostaviš trag u kulturi!

U okviru projekta "Muzej za sve -Put ka pristupačnijim muzejima u Crnoj gori i Bosni i Hercegovini", čiji je cilj stvoriti muzeje koji su inkluzivni, interaktivni i dostupni svima kroz inovativna rješenja i moderne tehnologije, Udruženje *Život sa Down sindromom Federacije Bosne i Hercegovine* raspisuje:

Konkurs za odabir najuspješnijih rješenja pristupačnih muzejskih eksponata i drugog sadržaja

Šta tražimo?

Tražimo od kandidata da kreiraju sljedeće:

- 3D eksponate (3d štampane, vane, ručno izrađene...) za odabrane muzeje koji će omogućiti interaktivno i edukativno iskustvo posjetiocima svih generacija.
- Prilagođene sadržaje koji će muzejske zbirke učiniti dostupnima osobama s invaliditetom i različitim potrebama, uključujući taktilne, vizualne i digitalne elemente.

Jedan kandidat može prijaviti više eksponata, ali svaki eksponat mora imati zaseban opis i budžetsku procjenu.

Muzeji za čije eksponate i sadržaje stalnih postavki je potrebno kreirati idejna rješenja su:

1. Historijski muzej Bosne i Hercegovine
2. Umjetnička galerija Bosne i Hercegovine
3. Muzej Hercegovine Mostar
4. Muzej Hercegovine Trebinje
 - etnografska i
 - prirodoslovna zbirka

Lista predmeta:

Za inspiraciju i bolje razumijevanje potreba muzeja, pripremili smo listu predloženih eksponata i tema iz navedenih muzeja, koja je dostupna na sljedećem linku:

[https://drive.google.com/drive/folders/1RWuy7fkvPCCEBr9DZZmNnZHK5jei-xjS?usp=drive link](https://drive.google.com/drive/folders/1RWuy7fkvPCCEBr9DZZmNnZHK5jei-xjS?usp=drive_link)

Nudimo ti:

- Priliku da tvoj rad postane dio postavki u muzejima;
- Mogućnost saradnje s kustosima, dizajnerima i stručnjacima za inkluzivni dizajn;
- Iskustvo rada na prestižnom projektu u kulturnom sektoru;
- Promociju i isticanje tvojih rješenja kroz projekat "Muzej za sve";
- Osigurana sredstva za realizaciju odabranih idejnih rješenja kroz fond projekta;
- Priliku za osvajanje nagrade iz nagradnog fonda kao priznanje za tvoj doprinos.

Fond za realizaciju odabranih rješenja

Fond za realizaciju odabranih pristupačnih muzejskih eksponata i drugih sadržaja, koje će odabrati stručni žiri, iznosi **23.400,00 KM**. Očekujemo da kroz ovaj poziv bude kreirano najmanje **40 eksponata**.

Ovaj iznos će biti raspodijeljen za izradu najkreativnijih i najinovativnijih rješenja!

Kriterij za odabir pristupačnih muzejskih eksponata i sadržaja

Inkluzivnost i prilagodljivost (40%)	Stepen u kojem rješenje omogućava pristup osobama s različitim vrstama invaliditeta (taktilni, vizuelni, auditivni i digitalni pristupi). Primjena principa univerzalnog dizajna kako bi eksponati bili dostupni što širem krugu posjetilaca.
Kreativnost i inovativnost (30%)	Originalnost ideje i inovativni pristupi u osmišljavanju eksponata i sadržaja. Korištenje savremenih tehnologija i materijala na način koji doprinosi interaktivnosti i angažmanu posjetilaca.
Efikasnost resursa i održivost (15%)	Pametna upotreba materijala i tehnika koje omogućavaju visok kvalitet izvedbe uz racionalizaciju resursa. Estetska vrijednost u kombinaciji s praktičnošću i ekonomičnošću.
Relevantnost za muzejski kontekst (15%)	Koliko dobro rješenje odgovara tematici i sadržaju određenog muzeja. Interaktivnost i edukativni potencijal u odnosu na muzejsku zbirku i posjetioce svih generacija.

Dodatna vrijednost (nije obavezno, ali može donijeti prednost):

- Učešće na obukama ili prethodno iskustvo u inkluzivnom dizajnu, muzeologiji ili srodnim oblastima.
- Saradnja s osobama s invaliditetom u procesu razvoja idejnog rješenja.
- Upotreba ekološki prihvatljivih materijala i održivih rješenja.

Nagradni fond

10 najboljih rješenja biće nagrađeni pojedinačnom nagradom u iznosu od 390 KM.

Kako učestvovati?

Kandidat može konkurisati s više različitih eksponata, ali za svaki eksponat mora dostaviti zaseban opis idejnog rješenja sa svim potrebnim materijalima i budžetom.

Potrebna dokumentacija:

1. CV u Europass format
2. Opis idejnog rješenja izrade pristupačnih muzejskih eksponata (jedan i više) i drugog sadržaja sa navedenim potrebnim materijalima i potrebnim budžetom za njegovu izradu
3. Motivacijsko pismo u kojem objašnjavaš zašto te zanima ovaj projekt i kako tvoje ideje mogu doprinijeti inkluzivnijim muzejima.

Rok za prijavu: 28.04.2025.godine

Adresa za prijavu: info@downsy.ba

Pridruži nam se da zajedno transformišemo muzeje u mjesta gdje će svaki posjetilac, bez obzira na svoje mogućnosti, pronaći inspiraciju i znanje!

Projekat sprovodi NVO KC Homer u partnerstvu sa Biblioteka Za Slijepe CG i Udruženje "Život sa Down sindromom Federacije Bosne i Hercegovine" iz Sarajeva.

Projekat „Muzej za sve – Put ka pristupačnijim muzejima u Crnoj Gori i Bosni i Hercegovini“ podržao je UNESCO u okviru zajedničkog projekta „CC4WBs – Kultura i kreativnost za Zapadni Balkan“ . „Kultura i kreativnost za Zapadni Balkan“ (CC4WBs) je projekat koji finansira Evropska unija koji ima za cilj podsticanje dijaloga na Zapadnom Balkanu jačanjem kulturnih i kreativnih sektora za povećani društveno – ekonomski uticaj.